

صالح عباس

محمّد يوسف اللواتي




عشر جموع الفل

شعر غنائي

هـسـا ابرهـم اـلـدـيـبـي

مـتـاح لـلـتـحـمـيـل ضـمن مـجـمـوعـة كـبـيـرة مـن المـطـبـوعـات مـن صـفـحـة
مـكـتـبـتي الـخـاصـة
عـلى مـوقـع اـرـشـيـف الـانـتـرنـت
الـرـابـط

https://archive.org/details/@hassan_ibrahem



عـسـر مـجـمـوعـة الـفـن

شـعـر غـنـائـي

عصر جموح الفن

شعر غنائي

صالح عباس

متاح للتحميل ضمن مجموعة كبيرة من المطبوعات من صفحة
مكتبتي الخاصة
على موقع أرشيف الإنترنت
الرابط

https://archive.org/details/@hassan_ibrahem

عرجون الفل

شعر غنائي

صالح عباس

الطبعة الأولى: 2020 م

رقم الإيداع المحلي: 2018/455

رقم الإيداع الدولي: 3-965-25-9789959

جميع حقوق الطبع والاقتباس والترجمة محفوظة للناشر

دار الكتب الوطنية بنغازي - ليبيا

هاتف: +7165022.21821 - بريد مصور +21821-4843580

ص.ب: 75454 - طرابلس Email: almosgb@yahoo.com



إلى


إليك .. مبروكة عباس ..
بكل ما في الروح من إزهار الأخوة ..
بكل ما في الفؤاد من شذى الياسمين ..
بكل ما في كتاب العمر من قسوة وحنين ..
إليك .. يا من تمارسين الشعر صمتاً ..
تثريه صبرا في وجه الحياة ..
أهديك عرجون المحبة هذا ..
وأنا أعرف أنك الأعبق .
أخوك

هون 1.1.2013



متاح للتحميل ضمن مجموعة كبيرة من المطبوعات من صفحة
مكتبتي الخاصة
على موقع ارشيف الانترنت
الرابط

https://archive.org/details/@hassan_ibrahem



حنونة ..

■ أنتَ ما تعرف تقسى ..

أصلاً فسوتك حنيّة ..

جرّب وحاول تنسى ..

يجيبك حنينك ليّا ..

■ يجيبك طبعك ..

يجيبك غلاء منقوش جوّى قلبك ..

يجيبك أمل إنّي نعيش بقريك ..

لا بينا عزّال لا حسديا ..

■ أنتَ حنين ..

أنت ونس للروح خايفي وبين ..

وأنت نفس مانك عليا هيّن ..

في غيبتك ترخص الروح عليا ..



■ القسوة بعيدة عنك ..

نهر الحنان في الأصل نابع منك ..
فنان طبعك والعواطف فتك ..
ترسم الحان الفرح ليك ولها .

هون 20.12.2011


متاح للتحميل ضمن مجموعة كبيرة من المطبوعات من صفحة

مكتبتي الخاصة

على موقع ارشيف الانترنت

الرابط

https://archive.org/details/@hassan_ibrahem



أنت الأجل

■ ازعل .. ازعل .. ازعل حبيبي ..

ازعل تدلل ..

من حَقَّكَ حتى الرحيل ترحل ..

لأنك أنت الأحلى ..

لأنك أنت الأجمل ..

وأنت الآخر والأول ..

بلاك الفرح ما يكمل .

■ أنت ربيع العمر ..

أنت الشذى للزهر ..

وأنت الضياء للقمر ..

ياللي من الجمال أجمل .

■ رعاك الله .. ماشاء الله ..

حُسنك فاق الحُسن كله ..




غالي وطيب الطلّة ..
من غيرك هالعمر حنظل .

■ ازعل .. ازعل ..

وكان ناوي الرحيل ارحل ..
أنا بعدك .. انموت مرتين ..
مرّة بنار أشواقك ..
ومرّة بلوعة فراقك ..
بس لأنك الأغلى ..
بس لأنك الأجمل ..





ما نستهال ..

■ إيش اللي درته .. خبرني .

غير إني حاولت إسعادك ..

والله ما نستهال والله

يا عمري صدك وبعادك .

■ جرحك ماو عادي

لا فاد معاه النسيان ..

هجرت بلادي .. وأني ذايح ..

بين العريان .

لا فادت غربة .. لا فارقتني يوم ودادك .

■ ما نستهال صدك ..

وأنا الحب شربته من ودك .

ذوَّني بُعدك ..

وحنين القلب الميعادك .



■ تكذب على روحك ..

وأنت معاي تعاني جروحك ..


موحي هو موحك ..

أنا وأنتَ عذِّبنا عنادك ..

تونس .. الحمامات

6.6.2012





يا قلبي لكفاية ..

■ امتى يا قلبي تريحني ..

وتبطل حنين ..

كفاية كل مرة تريحني ...

في دروب العاشقين ..

■ معاد راني حمل الغيرة ..

وسيرة تجر وراها سيرة ..

كفاية لوعة .. كفاية حيرة ..

ارحمها دمعات العين .

■ ارحم حالي ..

معاد راني حمل ليالي ..

يالقمر زاهي طوالي ..


وأنا مطفي بنار الحنين ..



■ أنا ليلي مليان آهات ..
مستتي والعُمر فات ..
تجرّح فيا الذكريات ..
بطلّ يا قلبي حنين ..
بطلّ يا قلبي حنين .

هون 10.5.2012





نار الغلاء ..

■ لَوَّعني بفلاك ياريد ..

دير ما يحلالك ..

نارك حطبها زيد ..

غير ديرها في بالك ..

■ لَوَّعني بهجرك والجفاء ..

اكويني بنيران الغلاء ..

اللعب بسكين الهوى ..

وجرح صوابع خالك .

■ عادي نتحمّل منك ..

مادام تبدّل طبعك ..

العيب ماهو عيبك ..

رياحي اللي جابنك ..

وخلّ القلب صغى لك .



■ نستاهل اللوعة وأكثر ..

و هالنار هاللي تكبر ..


مسألة وقت مش أكثر ..

تجي ع الحنين تدور ..

ودمعك سبق موالك .

تونس .. الحمامات

17.11.2012



تَبَسَّم ..

■ تَبَسَّم يا زهر الرمان ..

تَبَسَّم يا سيد الحَبَّان ..

■ تَبَسَّم مشتاقين زهاك ..

تَبَسَّم فرحنا برضاك ..

تَبَسَّم ياللي الروح معاك .. ولهانة تتاجي ولهان ..

■ تَبَسَّم خلي الليل شباب ..

تَبَسَّم يا زهوة لحباب ..

عطاشه ذؤبنا الغياب ..

الغربة ماتروي عطشان ..

■ تَبَسَّم حتى شوي .. شوي ..

يا زهرة ضحكتهاضي ..


تدلل راك تغز علي ..

تخطر .. تتساني الأحزان .. تَبَسَّم .

تونس .. الحمامات

2012. 6. 4





خلينا حبايب ..

■ خلينا حبايب خير ..

أنسى سريب الغية ..
عمره الغلاء ما يصير ..
كان غابت القسمية ..


■ خلينا اصحاب اصحاب ..

تتده علي تلقاني ..
ننده عليك نلقاتك ..
وديمه سلام عيوني ..
يسبق سلام إيديا .

■ خلينا أحباب أحباب ..

دوم بالمودة مني ..
تسمع لذيد جواب ..
وين ما تغيب عني ..
أنا نسبقك بالجية .






■ أنسى سريب الحُب ..
وانشد على المحبة ..
إنشاء الله كل قلب
يسعد مع اللّي حبه ..
بالفرح والحنّية .

هون

26.7.2006





عيونك ..

■ يالي عيونك .. ليل وقمرة ..

لا تغرّيني فيهن ..

أنا قلبي عاشق سهران ..

وحياتك داريهن ..

■ لا تسحرني بموج بحورك ..

خليني ع الشط ..

قلبي مركب عاشق نورك ..

لا تحرقني بيهن .


■ نحبك حب .. ما حباش حد .

نهر مَحَنَة هد السد ..

بحر مَحَبَة زايد ودّ .

وعيونك مراسيهن .






■ صدقني عيونك أسراني ..
نستني اسمي وعنواني ..
أحلامي .. فرحي .. أحزاني
مهما اتفرّب راجع ليهن .

طرابلس
12.3.2012





قلوب محبة ..

■ إیرفن أسراب .. أسراب ..

وقلوبهن في إيديهن ..

ما هنش حمل عذاب ..

يفرّج الله عليهن .

■ إیرفن أسراب .. أسراب ..

شوق وحنين ماليهن ..

حياره على الغياب ..

ما يحملنش غياب ..

لا يعرفنش عتاب ..

ساكنهن هوى غاليهن .

■ سماره إیرفن فوق ..

قلبي معاهن فارد جناح الشوق ..

هايم إيناجي في هوى المعشوق ..

اللي جيته ليالي الغلاء يضويهن .





■ إيفرن أسراب محنة ..

ملونات بالفرح زهر وحنة ..


حمايم حنونة جايه م الجنة ..

حنان دمعهن جروح الهوى يبريهن .

تونس .. سوسه

2012. 6. 15





عشقتك ..

■ جيئت نسيم انجيك ..

ليك الحنين ذوّ بني ..

قلبي تولّع ببيك ..

هوّ اللي جاييني ..

■ قلبي سبايب حيرتي ..

معاك نقطة ضعفي ..

ما يطيق بُعدك يوم ..

بين الحنايا يشكي ..

حر دمعته غالبني ..


■ عشقتك سنين و سنين ..

وديتتي بالصد ..

دقيّتك في قلب حنين ..

قطعت جبل الود ..





واطيت عليك العين ..

سال دمعها عذبي ..

■ ياريتك تحس حيني ..

رقة القلب بشوفتك ..

نريدك ربيع سنيني ..

زهوتي .. شذى ياسميني ..


يزهر العمر بطلتك ..

لا تغيب لا تغربني .

هون

2010. 12. 1





عرجون الفل ..

■ تدلّ يا عرجون الفل ..

تدلّ ما بين ضي وظل ..

■ تدلّ لا تحزن لا تحير ..

تدلّ ماجاي إلا الخير ..

تدلّ اللي تبنيه إيصير ..

تدلّ شمع الفرّح شعل .

■ تدلّ يا طيّب الأنفاس ..

تدلّ يا نبع الاحساس ..


تدلّ داوي قلوب الناس ..

تدلّ طلّ بعطرك طلّ ..

■ تدلّ يا عاشق ولهان ..

تدلّ يا روح الريحان ..





تدلل زید شوی حنان ..


تدلل بَعْدك ما نَحْمَل ..

تدلل یا عرجون الفل .

تونس.. الحمامات

2012.6.6






مجنونة ..

- مجنونة أنتِ مجنونة ..
- وح تجنّيني معاك ..
- مُش ح أسمح لك يا حياتي ..
- أخاف أنجن أنساك ..
- مجنونة وحلوة ودلّوعة ..
- وفيك شوي عناد ..
- في همسك حنان ولوعة ..
- وسحر وروعة ونار تحت الرماد ..
- ياريت يحرقني هواك ..
- أشوفك أحس الدنيا ..
- نساييم وأزهار ..
- وتغيبي عن فكري ثانية ..
- اتلخبط واحتار ..
- صعبة الدنيا بلاك .
- مجنونة وجنونك سُكّر ..





أنا..

شهد مصفیٰ ویمکن أكثر ..

لو سألوني مش ح نفكر ..

ننسى الدنيا ونجری وراك .

■ هو - خليك مازال بدري ..

خليك يا عمرى .

■ هی - بدری من عُمَرَكَ ..

العمر معاك ثواني ..

یا شذی عُمَری .

■ عُمْرُكَ هُوَ عُمْرِي .

لو غبتِ .. أنا غاب ..

احنا ماناش احباب ..

احنا الحب يا عمرى .

■ وحياتك لازم نمشي ..

صورتك تحت رمشي ..

كفايه عليك قلبي ..

هاجرني وساكن فيك ..

تاركني من صغري .

■ الله عليك حُبي ..

هواك تاج راسي ..

نبضي وأنفاسي ..

كلي بهواك ولهان ..

هايم في كل مكان ..

للطير والشجر نحكي .

■ احكي يا حُبي ..

هوانا لا تخبي ..

احنا حبنا منصور ..

شعور اتولد في النور ..

شمس وقمر وزهور ..

والنور من ربي .





■ ماليش يا قمر غيرك ..

يا سماي أنا طيرك ..
لو غبت كيف نطير ..
ماليش غيرك غير ..
لو غاب كل الكون ..
ومعاد صدر حنون ..
أنا كل الحنان جنبي .


■ معاً - ياريت كل الناس ..

تحب زينا بإخلاص ..
الحب تاج ع الرأس ..
فرح وقمر وناس ..
وسط القلوب يضوي ..

هون

2010. 8. 25





نام يا حبيبي ..

■ نام حبيبي نام ..

يمكن تجمعنا الأحلام ..

■ نحلم بيك

وتحلم بيّا ..

نحقق أجمل أمانيك ..

وتحقق أجمل أمانيّّا ..

نعيش في دنيا الأحلام ..

نام حبيبي نام .

■ نام وخلي الشوق يجمعنا ..

والليل ونجومه تسمعنا ..

تعال ننسى بالحلم وجعنا ..

وقسوة جرح الأيام ..

نام حبيبي نام .






■ نام وزرع ورد في خطاويننا ..
نمشي للفرح الوحيدنا ..
ولا صُبح يوزّع أسامينا ..
يرجعنا الدنيا الأوهام ..
نام حبيبي نام .

بنغازي

2011.11.30





ورد الغلاء ..

■ الورد صباح ..

ع الشط يدلل ..
والبحر فارح ..
والموج سارح ..
في الورد يتغزل .


■ ورد الغلاء ..

سبحان من صوّر ..
صبح ومساء ..
زايد زهاء ..
قبل الربيع نور ..
من الجمال أجمل .

■ الأمواج مبتسمة ..

تلحس خطاوي الورد ..






نسمة وراء نسمة ..
تلمس حلاوة الخد ..
وترجع من الأول .

■ البحر شايف الكل ..
ومداري آهاته ..
ذايب في سحر الفل ..
أشواقه و بسماته ..
خايف الشمس ترحل ..
والورد الورد ..
ع الشط يدلل .

تونس .. الحمامات
2012. 6. 5





العصفورة ..

■ تدلل ها لعصفورة تدلل ..

لابقها الدلال ..

عليها رفة رمش إيهبل ..

ولفتة جدي غزال .

■ عارفه الزين الرب عطاها ..

سماحة قد و لون ..

تمشي تتمختر في خطاها ..

مركب وآن العون ..

مبحر واخذع الترحال .

■ ليها صوت الله إيسلم ..

فيه حلاوة الشهد ..

حزينة ولا تتبسم ..





عليها الله وحد ..
نجمة ضّواية في العالي ..
عصية ما تتطال .


هنا يوسف اللبوشي

تونس .. الحمامات
2012. 6. 8

متاح للتحميل ضمن مجموعة كبيرة من المطبوعات من صفحة
مكتبتي الخاصة
على موقع ارشيف الانترنت
الرابط

https://archive.org/details/@hassan_ibrahem





أنا وأنت ..

■ أنا وأنت ..

زي العصافير ..
مليانين شوق وحنين ..
بالشوق نخط بالفرح نطير ..
والعش جناين ياسمين ..

■ عاشقين ليل مع نهار ..

العصافير من شوقنا تغار ..
نتكلم .. نحلم أشعار ..
نتبسّم بالروح والعين .

■ قبل ما نبعد ..

نرجع ثاني ..
كل واحد قلبه ع الثاني ..
قلب واحد ساكن حبيبين .





■ نحب .. نحب ..

احنا الحُب ما نعرف غيره ..


ما نعرف حيرة لا غير ..

ما نعرف غير الحنين .

تونس .. الحمامات

2012. 11. 15






سوق الشوق ..

- تسلم لي .. يا ورد الورد ..
- يا شايطني ع كفوف الراحة ..
- تسلم لي .. يا ود الود ..
- يا مداوي للقلب جراحه .

- تسلم لي .. يا شوق الشوق ..
- يا واخذني للقمر فوق ..
- حياتي تزهي وتروق ..
- يا زهرة عمري الفؤاحة .

- ما ليش غير فرحك فرح ..
- حُبك قمر ليلي ..
- قربك نسايِم صُبَح ..
- يا عمري وأفراحه .



■ تسلّم لي .. يا شهد يا سُكَّر ..

يا زهر م الزهر أزهر ..


سحايب بالعطر تمطر ..

قلبي هواك مفتاحه .

طرابلس

2012. 4.4





رنت علي ..

■ رنت علي ..

رنت علي ..

وأنا اللي مشتاق مئة عام ..

رنت علي .. رنت علي

ولهان قلبي

لعيون حبي ..

طاير حمامه سابقه الأنسام .

■ رنت علي ..

رنت علي ..

ضوى أسمها ..

ضحك رقمها ..


لا قدرت نفتح ..

لا عرفت نحزن ..

لا عرفت نفرح ..

لا القيت كلام .





■ رنت علي ..


هبت نسائم عون ..
عروسة بحر مجنونه وأنا بها مجنون ..
ربيع قلبها وهي ساكنه العيون ..
ظروف حالت بَعْدَت ..
ونارها ماعاد طفت ..
جار الزمان وباعدت الأقسام .

■ رنت علي ..

قميلة ضوت .. في عَزَّز الليل ..
رنت علي ..
نسيمة لفت ..
حنّت وجت ..
ريحة بشاير سيل ..
طوير الغلاء ..
وآن المساء ..
عاشق دفاء ..
فوق عش المحبة حام .

هون 4. 12. 2010





وجَّعْتَنِي ..

■ وجَّعْتَنِي .. وجَّعْتَنِي

برمشك جرحت كيني ..
بكَّيت عيون الروح ..
والقلب صار ينوح ..
ياريت بكَّيت عيني ..

■ وجَّعْتَنِي وأنا اللي شايلك للزمن ..

مصباح الليالي الداجية ..
يا عزوتي نشكي لمن ..
وأنت الميهة الصافية ..
كان غبت من يرويني ..

■ وجَّعْتَنِي .. خيبت ظني فيك ..

يا حلم عيني الغافية .. أنا اللي بانيك ..
مانك اللي بانيني ..





■ وجَّعْتَنِي .. جرحك كبير جروح ..

وماني اللي كنت السبب ..

جرحاً وجي في الروح ..

كل ما تتهدت انعطب ..


أنا من دواي مجروح .. مو حال من بيريني .

هون

2009. 3. 4

هسي يوسف (اللموشي)





مرايف ..

■ كل طير حن العشه ..

وآن المغيب ونام ..

وأنت غريب يا قلبي ..

تجري وراء لوهام ..

■ خذاك السراب بعيد ..

لا عش لا تغريد ..

حتى بسمتك تنهيد ..

في الصحو والأحلام .

■ حنيت نعم حنيت ..

حتى الطيور عرفاتك ..

مرايف الدفاً والبيت ..

دمعك طفى شمعاتك ..

وردك فقد لنسام .





■ حنين الطيور في أوكارها ..

تهدي الليل أسرارها ..

وأنت حزين وحيد ..


لاشمعة فرح لاعيد ..

جارت عليك ليام .

تونس .. سوسة

2012. 6. 14





أنت بحر ..

■ بحر .. بحر ..

أنت بحر .. أيوه بحر .
في كل شي غير لونك .
في بسمتك .. في قسوتك .
في هبة نسايم عونك .

■ بحر .. بحر .. في كل شي

قلبك الصافي النقي ..
اوسع شوي ..
كم موج في عيونك .

■ بحر .. بحر .. أيوه بحر ..

محتار منك غار ..
دنيا هواك أسرار ..
تولّع وتطفئ النار ..
في اللي يحبونك .





■ أنتَ بحر .. أجمل بحر في الكون ..

جارج وزهر حنون ..


مليون لون .. ولون ..

يالي عيون الحب .. ملونة بلونك .

هون

2011. 12. 20





بجلك الر..

■ أكثر منك بجبك ..

مهما تحكي عن غلاك ..
تقول مسكّني قلبك ..
وأنا انتقّس هواك .


■ أنا عايش ببيك وفيك ..

أنتَ كل الماضي أنتَ ..
والجاي أنا عايشه ليك ..
مشتهي لحظة رضاك .

■ بجبك حب .. ما هواش حُب ..

حاجة جديدة ع المشاعر ..
حاجة فوق الروح والقلب ..
أنا واخذك بيها طائر ..
طائرة أحلامي معاك .






■ تحبني أكثر ..

هذا سابع مستحيل ..
كانت الدنيا غير الدنيا ..
والميزان فيها يميل ..
والشمس تظهر بليل ..
تضوي بالفرحه خُطاك .

هون

12.12.2011





أنا والقمر ..

■ نام الناس .. كل الناس ..

وأنا وأنت يا قمر ساهرين ..

يا ترى احنا يا قمر حُرَّاس ..

والله احنا يا قمر عاشقين .

■ ومن يستاهل نسهر يا قمر على شأنه ..

ومش بالسهل نعشق عيون نَعْسَانَه ..

لا ذابت تتاجي الوتر ..

لا ذبل رموشها سهر ..

لا ذاقت نار الحنين .

■ أنا وأنت يا قمر شي ثاني ..

أنت حبيب الحور ..

وأنا قلب مسحور ..






عاشق بحر الأمانى ..
عوّام طول السنين .

■ خلّي اللي ينام ينام ..
خلّينا يا قمر ساهرين ..
نحلم ونعيش أحلام ..
نزرع في عيون الأيام ..
حب .. حنان .. وياسمين .

هون

2012. 5. 10





الحزن ..

■ الحزن .. حلو الحزن ..

لولا الحزن .. ماجت فرحة ..
لا فجر بعد الليل زهر صُبحة ..


■ الحزن .. آه م الحُزن ..

ما تظلموش الحُزن ..
الحُزن حنين ..
الحزن في قلوب العاشقين ايلين ..
بدمعة حنونة القلب ينسى جرحه ..

■ الحُزن .. الحُزن سحابة ..

تمر سارحة ع القلب ..
يفتح بابه ..
تهفّف عليه تذكّره بحبابه ..
وأيام كانت معاهم سمحة .





■ الحزن .. الحزن حمامة ..

حلوة .. حنونة .. جاييه السلامة ..


وين يرتحل يترك مكانه فرحة ..

الحزن .. الحزن .. ما تظلموش الحزن .

هون

2010. 12. 1





طمني عليك ..

■ طمني عليك برنة ..

بلاش الكلام ..

أنا مش طامع في الجنة ..

لكن صدك حرام .

■ معقوله هذا إيحي منك ..

لا حس ولا خبر ..

قلبي حبيبك يسأل عنك ..

وقلبك صار حجر ..


عليه يا الله السلام .

■ العام يمر وراء العام ..

ناسيني من بالك ..

يا خسارة حلو الأحلام ..





قلبي شايلها لك ..

تتساها حرام .

■ معقوله أنتَ هو أنتَ ..

اللي قلبي هايم بيه ..

أنا حُبك عمري ماهنته ..

طول عمري عايش ليه ..


أتارينني نزرع في سبخة

عايش ع الأوهام .

هون

2013. 1. 1





الرسائل ..

■ الرسائل ..

كل الرسائل .. ما ضمدت فيا جرح ..
الرسائل ..
كل الرسائل .. ما ضوت فيا شمع ..
لا نورّت فيا أمل ..
لا زهرّت فيا صُبح .


■ مستتي مراسيلك تجي ..

تضوي هالظلمة اللي في ..
تأخذني وتهفهف علي ..
نسمات هالورد النقي ..
اللي ف حروفك يا سمح ..

■ كل الرسائل ..

كل الرسائل .. طاغحة بلون الغروب ..






وشمع الفرخ فيها كذوب ..
قبل ما يضوي يذوب ..
مجروح ما يداوي جرح .

■ مستتي مراسيلك هاللي ..
تعرف كيف تدندن ع الوتر ..
مستتي مواويلك هاللي ..
تسحر وتبري من السحر ..
ضأوية شموعي وجاييه ثوب الفرخ .

هون

2007. 12. 12






ملائة ..

■ كيف جت منك يا سزي ..
تجي وما تنشد علي ..
كيف جت .. منك ما تجي ..

■ لايم عليك ..
لومة سماء على نجومها ..
غابن في عزّ الليل ..
كما شمس نسييت يومها ..
صار العمر ليل في ليل ..
وأنا صُبح وأنت الضي ..
كيف جت .. منك ما تجي ..
صراحة وجعني خاطري .

■ مانيش قادر نездرك ..
جونني اللي شماته ..





قالوا خطم ما عبّرك ..
لا جيت في حكاياته ..
منك بجد .. صعبة عليّ ..
ركبتها مابت تجي ..
صراحة وجعني خاطري .

■ رانك رباية يدي ..

يا روح روحي ودي ..
يا كحل رمشي و الصبّي ..
تمر ما تتشد علي ..
كيف جت .. منك ما تجي ..
صراحة وجعني خاطري .

■ لايم عليك بروحي ..

ما قدرت نشكي الحد ..
اللي بينا يا روحي ..
عشرة بحر لمواجه ..
عاشقين جزر و مد ..
لكن يجيني غيرك ..
إيزايد على تقصيرك ..




هنا يوسف اللبيني

صعوبة علي واجد ..
كيف جت منك يا سزي ..
ركبتها ما بت تجي ..
صراحة وجعني خاطري .

متاح للتحميل ضمن مجموعة كبيرة من المطبوعات من صفحة
مكتبتي الخاصة
على موقع ارشيف الانترنت
الرابط

https://archive.org/details/@hassan_ibrahem





أجمل ما فيك

■ أجمل ما فيك ..

بعد الخصام ..

قولتك .. سامحني .

قدّاش تجبر خاطري .

تبسط جناح الوصل .. وتريني .

■ أجمل ما فيك ..

بعد الخصام ..

تتشدد علي وتدوّر ..

إيزيد الغلاء .. وتكبر في عيني أكثر ..

تكبر في عيني فوق ما تتصوّر ..

تضحك عيوني تقول لك سامحني .

■ ننسى أنك زعلتني ..

من قبل ما أنت تتسى ..




من قال أنك وجَّعتني ..
أنت الحياتي همسة ..
تطرب حنايا الروح وتفرحني .

■ يا للي جميل ودادك ..
الود طبعك ..
في بسمتك وعنادك ..
سحرني هواك .. وقلبي الحنون وسادك ..
تخطر علي غيبتك تجرحني .

هون

2010. 4. 14





يعيش الحب ..

■ يعيش الحب .. يعيش الحب ..

قنديل العمر والناس .

بجاه نبينا يا رب ..

ما تطفئ فينا إحساس .

■ إحساس الحب ..

اللي إيجمع بين قلب وقلب ..

يا ربي صعب ..

ما نعشق لا نحب الناس .

■ تغريت كثير ..

مالقيت في هالدنيا غير ..

الحب أمير ..

يستاهل يحكم في الناس .




■ الله ع الحب ..
نتنفس .. نتكلم حُب ..
واللي ما حب ..
صخرة ما فيها إحساس .

تونس .. الحمامات

2012. 6. 5





لا تدمني ..

■ لا تدمني .. لا تدمني ..

أنتِ قمر .. وطبع القمر ضوأي ..
هي أنهضي .. وتمختري ..
واضوي بغلاك سماي .

■ مالي غيرك ..

وين تحزني ..
من هو يناجي طيرك ..
الحزن مش طبعك ..
ومش تدبيرك ..
هذي عمايل كارهين هنائي .

■ دمعك لوعة ..

يحدر علي الخاطر يطفئ شموعه ..
اللي كان في قريك حياته روعة ..



دمعك يبيكي الحاسدين معاي .

■ عودي الطبعك ..

اروي صحاري مشتاقة حلاوة نبعك ..


يالي الفرح منك وساكن قلبك ..

لا تدمعي وتبسمي يا مناي .

تونس .. الحمامات

2012. 6.6





مغزور ..

■ اللي يحب .. يلقي عُذر ..

للي يحبه .

يداري السوايا ..

سمح النوايا ..

يصون الحبيب في قلب قلبه .

■ اللي يحب ما يقدر يهون حبيبه .

حتى إن دار عيبه ..

يداري .. يسامح ..

يداوي .. إيصالح ..

قبل يندها يلقاه جنبه .

■ اللي حب يرقى ع الصغاير ..

يجبر بالخواطر ..

يبات سامر ..




لو كان ع الجمر حفيان ..
يمشييه دريه .

■ اللي يحب يوقد شموعه ..
يداري دموعه ..
يطمن حبيبته ..
ويطفي لهيبه ..
يداويه ويكون طبه .

■ اللي يحب ما يعرف الخونة ..
يصايف الحبيب ويصير عونته ..
يضحك القلب تزهي عيونته ..
عنوان الغلاء والوفاء والمحبة .

■ اللي يحب ما يعرف يجايف ..
لا بسية يكايف ..
حنون بو كيل وايف ..
يططب إيشايف ..
يرد الرياف ..
يصير وطن دايف ..






في وآن غربة ..
يجمع شمل حبان ..
يمسح دمع الأحزان ..
ساعة الكرية .
اللي يحب يلقي عذر للي يحبه .

هون

2010. 11. 28





رَبِّعْنِي ..

■ يا ريت مرة ترن علي ..

حتى لو تقوِّلِي غلطان ..

تقوِّلِي ماني ران عليك ..

هديته رقمك للنسيان .

■ تقوِّلِي رقم جديد عشقته ..

غلطه وهو اللي جابني ليك ..

إلا رقمك م القلب مسحته ..

ماشى يذكرني بيك ..


غلطة ما ترجع غلطان .

■ يا ريت تقسى .. وتقسى وتقسى ..

رنة وتسكّر على طول ..

المهم أسمك في لسه ..






يريح هالقلب المشغول ..
اللي منك مشتاق حنان .

■ يا ريت ترن علي بقلبك ..
كان صوتك ما هان عليك ..
يسمعها قلبي اللي حبك ..
يضمك كيف أيّام زمان .

تونس .. الحمامات
2012. 11. 16





سب عليا ..

■ إيش يا ترى اللي صاير ..
كل أحبابي غايبين ..
أنا عقلي مني طاير ..
انعد النجمة حاير ..
ما غمضت لي عين .

■ لا من نسأل عليهم ..
لا حد منهم طلّ ..
مش عارف أراضيههم ..
يمكن نقدر نرضيههم ..
كانهم زعلانين .

■ مش ناقصني حيرة ..
لا ناقص عذاب ..
اللي فيا كافيني ..





قلبي م الفرقة ذاب .

وحيد طول السنين .

■ والله صعب عليا ..

أحبابي والزمن عليا ..

هو اللي فيا شويا ..


الليل يبكي عليا ..

غربة وشوق وحنين .

هون

2012. 5. 2






ما حال يدوم ..

■ هيا . يا حزني ودعني ..
يقولوا المودّع ماو رفيق ..
هيا ما عاد تراققني ..
لا تجمعني معاك طريق ..

■ صايره دروبي زاهية بمحنة ..
صايره بروري زاهرة بالحنة ..
بالحب قلبي نال ما يتمنى ..
يا حزن ما ينفع تصير رفيق .

■ ما حال يدوم ..
زهت شمسي من بعد غيوم ..
قلبي المحروم ..
قدر يفتح للفرح طريق .





■ يا حزن أنساني ..

أنا شمعي ضويته ثاني ..

في ليل أحزاني ..

أفراجت من بعد الضيق .

هون

2006. 11. 20



المحتويات

الصفحة	النص
7	1- حنونة .
9	2 - أنتَ الأجل .
11	3 - ما نستاهل .
13	4 - يا قلبي كفاية .
15	5 - نار الغلاء .
17	6 - تبسم .
18	7- خلينا حبايب .
20	8 - عيونك .
22	9 - قلوب محبة .
24	10 - عشقتك .
26	11 - عرجون الفل .
28	12 - مجنونة .
29	13 - احنا الحب .
32	14 - نام يا حبيبي .





النص	الصفحة
15 - ورد الغلاء .	34
16 - العصفورة .	36
17 - أنا وأنت .	38
18- شوق الشوق .	40
19- رنت علي .	42
20- وجعّتي .	44
21- مرايف .	46
22- أنتَ بحر .	48
23- بحبك أكثر .	50
24- أنا و القمر .	52
25- الحزن .	54
26- طمني عليك .	56
27- الرسائل .	58
28- ملامة .	60
29- أجمل ما فيك .	63
30- يعيش الحب .	65



الرقم	الصفحة
31- لا تدمعي .	67
32- معذور .	69
33- ريحني .	72
34- صعب عليا .	74
35- ما حال يدوم .	76

متاح للتحميل ضمن مجموعة كبيرة من المطبوعات من صفحة
مكتبتي الخاصة
على موقع أرشيف الانترنت
الرابط

https://archive.org/details/@hassan_ibrahem

هنا يوسف اللواتي



هشام يوسف اللواتي

■ تدلّ يا عرجون الفل ..

تدلّ ما بين ضي وظل ..

■ تدلّ لا تحزن لا تحير ..

تدلّ ماجاي إلا الخير ..

تدلّ اللي تبیه إيصير ..

تدلّ شمع الفرح شعل .

■ تدلّ يا طيّب الأنفاس ..

تدلّ يا نبع الاحساس ..

تدلّ داوي قلوب الناس ..

تدلّ طلّ بعطرك طلّ ..

متاح للتحميل ضمن مجموعة كبيرة من المطبوعات من صفحة

مكتبتي الخاصة

على موقع ارشيف الانترنت

الرابط

https://archive.org/details/@hassan_ibrahem